

Izjava Olija Rena, komesara Evropske komisije za proširenje, nakon sastanka sa parlamentarcima iz Bosne i Hercegovine

“Zadovoljan sam konstruktivnim sastankom koji sam danas održao sa predstavnicima Parlamenta Bosne i Hercegovine.

Na sastanku koji se prije nekoliko dana održao na planini Vlašiću, političari Bosne i Hercegovine su napravili važan korak u realizaciji restruktuiranja policije. Ovo je ohrabrujuće ali nedovoljno. Ono što sada trebamo je čvrst i sveobuhvatan Politički sporazum o načinu na koji će se restruktuiranje policije provesti i koji će biti podržan na nivou Parlamenta. Nije potrebno reći da očekujem da bilo kakav sporazum ili akcioni plan koji se usvoji, treba biti u skladu sa dogovorenim, osnovnim principima:

- Sve zakonske i budžetske nadležnosti moraju biti na državnom nivou;
- Nadležnosti se trebaju primijeniti u funkcionalnim područjima kako bi se postigla efikasna policija;
- Ne smije biti političkog uplitanja u rad policije.

Sad je vrijeme da se preduzme akcija. Podrška parlamentaraca je od izuzetne važnosti kako bi se osigurala nesmetan nastavak reforme policije. Ne možemo si priuštiti da ostanemo blokirani beskrajnim teoretskim diskusijama. Moramo ići naprijed. Građani Bosne i Hercegovine zaslužuju funkcionalnu i isplativu policiju.

Duh konstruktivne politike treba sada primijeniti u ispunjavanju preostalih preporuka iz Studije izvodljivosti,

prvenstveno Zakona o javnom radio-televizijskom sistemu koji još uvijek nije riješen. Evropska komisija će održati sastanak Konsultativne radne grupe u 19. maja u Sarajevu. Zavisno od napretka koji se do tada načini, nadam se da ću moći pripremiti preporuku za započinjanje pregovora o Sporazumu o stabilizaciji i pridruživanju. Uvjeren sam da koncentrisanim snagama Bosna i Hercegovina može preći u sljedeću fazu procesa evropskih integracija.”